

128

19. okt.

REGLUGERÐ

um útgáfu og notkun vegabréfa á varnarsvæðum á Keflavíkurflugvelli.

1. gr.

Öllum mönnum, konum og körlum, 12 ára og eldri, er óheimil umferð eða dvöl á varnarsvæðunum á Keflavíkurflugvelli, nema þau hafi til þess vegabréf, er lögreglustjórinn á Keflavíkurflugvelli gefur út. Börn innan 12 ára aldurs mega því aðeins fara inn á varnarsvæðin, að þau séu í fylgd með fullorðnum.

Þó skulu þeir, sem teljast til „liðs Bandaríkjanna“ samkv. 1. gr. viðbætis um réttarstöðu liðs Bandaríkjanna og eignir þeirra, sem fylgir sem fylgiskjal með lögum nr. 110 19. desember 1951, um lagagildi varnarsamnings milli Íslands og Bandaríkjanna og um réttarstöðu liðs Bandaríkjanna og eignir þess, bera vegabréf gefin út af varnarliðinu.

2. gr.

Lögreglustjóranum á Keflavíkurflugvelli er heimilt að gefa út vegabréf, svo sem hér segir:

- a. Til opinberra starfsmanna, vegna starfa þeirra á varnarsvæðunum;
- b. til starfsmanna varnarliðsins eða verktaka þeirra, er fyrir varnarliðið vinna;
- c. til þeirra, sem hafa aðra fullgilda ástæðu til þess að fara inn á eða dvelja á varnarsvæðunum að staðaldri.

3. gr.

Vegabréf skal gert með því að stimpla auðkenni vegabréfsins á málmplötu.

Vegabréf skulu vera auðkennd með orðinu „Keflavíkurflugvöllur“, tölusetningu, mynd og fullu nafni vegabréfshafa.

4. gr.

Skýlt er að bera vegabréf þessi þannig, að löggæzlumenn geti þegar í stað og hvenær sem er gengið úr skugga um heimild viðkomandi til þess að dveljast á varnarsvæðunum.

5. gr.

Lögreglustjórinn á Keflavíkurflugvelli skal halda spjaldskrá um vegabréf, sem gefin verða út. Spjaldskráin skal geyma upplýsingar um fullt nafn vegabréfshafa, stöðu hans eða atvinnu, atvinnuveitanda, fæðingardag og ár, lögheimili, dvalarstað, nafn hans ritað eigin hendi, svo og aðrar upplýsingar, sem lögreglustjóri telur nauðsynlegar.

Hver, sem vegabréf skal bera, er skyldur til þess að gefa sig fram í skrifstofu lögreglustjórans til þess að fá vegabréfið afhent. Hann skal og gefa allar þær upplýsingar, sem lögreglustjóri telur nauðsynlegar við útgáfu vegabréfsins og samning spjaldskrárinnar.

6. gr.

Undanþágur frá ákvæðum reglugerðarinnar hér að framan má lögreglustjóri veita, þegar sérstaklega stendur á, og aðeins til stuttrar dvalar. Skal hann í því efni fara eftir fyrirmælum þess ráðherra, sem fer með varnarmál.

7. gr.

Þegar undanþága samkv. 6. gr. er veitt, skal lögreglustjóri gefa út sérstakt gestavegabréf.

8. gr.

128

Þegar vegabréfshafi telst ekki lengur hafa rétt til að bera vegabréf, skal hann þegar í stað skila því til lögreglustjórans. 19. okt.

9. gr.

Brot gegn reglugerð þessari varða sektum allt að kr. 10000.00.

10. gr.

Reglugerð þessi, sem sett er samkvæmt lögum nr. 10 15. maí 1942, um notkun vegabréfa innanlands, öðlast gildi 20. nóv. 1954, og birtist til eftirbreytni öllum þeim, sem hlut eiga að máli.

Utanríkisráðuneytið, 19. október 1954.

Kristinn Guðmundsson.

Magnús V. Magnússon.

Staðfesting forsetans á skipulagsskrá fyrir „Kirkjubyggingasjóð Reykjavíkur“, 129
úttefin á venjulegan hátt að mandatum af dómsmálaráðherra 22. okt. 1954. 22. okt.
Skipulagsskráin er þannig:

SKIPULAGSSKRÁ

Kirkjubyggingasjóðs Reykjavíkur.

1. gr.

Sjóðurinn heitir Kirkjubyggingasjóður Reykjavíkur.

2. gr.

Hlutverk sjóðsins er að styrkja með óafturkræfum framlögum kirkjubyggingar safnaða í Reykjavík, með það takmark fyrir augum, að þeir eignist hver sína kirkju, svo fljótt sem verða má.

Söfnuður utan þjóðkirkjunnar getur þó því aðeins notið styrks úr sjóðnum, að hann hafi löggiltan forstöðumann.

Framlög til utanþjóðkirkjusafnaðar eru endurkræf, ef söfnuðurinn hættir störfum.

3. gr.

Tekjur sjóðsins verði: Framlag Reykjavíkurbæjar á komandi árum til kirkjubygginga í Reykjavík, framlög til kirkjubygginga frá Kirkjugörðum Reykjavíkur, gjafir, arfar, áheit og aðrir slíkir styrkir og framlög, er ánafnaðir verða sjóðnum.

4. gr.

Stjórn sjóðsins skal skipuð 3 mönnum, og séu 2 þeirra kjörnir af safnaðarráði Reykjavíkur og 1 af bæjarráði Reykjavíkur, til fjögurra ára í senn.

Sjóðstjórnin skal hafa forgöngu um öflun fjár til sjóðsins, varðveitir hann og gerir rökstuddar tillögur til bæjarstjórnar Reykjavíkur um styrkveitingar úr honum.

5. gr.

Skilyrði til styrkveitinga úr sjóðnum til byggingar nýrrar kirkju eru:

1. Að lóð, samþykktir upprættir og nauðsynleg byggingaleyfi séu fyrir hendi.